

Christendom

- † Christendom is 'n monoteïstiese godsdiens wat fokus op die lewe en leerstellings van Jesus Christus. Christene glo dat Jesus die Seun van God en die Verlosser van die mensdom is.
- † Dit het sy oorsprong in die 1ste eeu n.C. in die Midde-Ooste en is gebaseer op die Bybel, wat bestaan uit die Ou en Nuwe Testament.
- † Kernooruigings sluit in die geloof in die Drie-eenheid (Vader, Seun en Heilige Gees), die kruisiging en opstanding van Jesus, verlossing deur geloof en die belofte van die Ewige Lewe.
- † Belangrike vertakings sluit in Rooms-Katolisisme, Oosterse Ortodoksie en Protestantisme. Elkeen het verskillende gebruike en teologiese beklemtonings.
- † Die Christendom beklemtoon liefde, vergifnis en sterk morele waardes.



Islam

- 🕌 Islam is 'n monoteïstiese Abrahamitiese geloof wat sedert die 7de eeu n.C. in Mekka, deur die profeet Mohammed, versprei is. Sy volgelinge, wat as Moslems bekendstaan, glo in een God (Allah).
- 🕌 Hulle beskou die Koran, hul heilige boek, as die direkte woorde van Allah. Islam beklemtoon vyf pilare: Sjahada (geloofsbelydenis), Salaat (gebed), Zakat (liefdadigheid), Saum (vas tydens Ramadan) en Hadj (die pelgrimstog na Mekka).
- 🕌 Dit beklemtoon onderwerping aan God se wil, morele en etiese leiding en gemeenskapskohesie.
- 🕌 Islam het uiteenlopende tradisies en sektes, onder andere die Soenniete ("Sunni") en Sjiiëte ("Shi'a"), en het 'n beduidende wêreldwye invloed met meer as 'n miljard volgelinge.



Hindoeïsme

- ॐ Hindoeïsme is een van die oudste godsdienste ter wêreld en is afkomstig van die Indiese subkontinent. Dit omvat 'n uiteenlopende reeks oortuigings, praktyke en rituele.
- ॐ Sentrale beginsels sluit die begrippe van "dharma" (plig/etiek), "karma" (alles wat jy doen, kom weer terug na jou toe) en "moksha" (redding wat die siklus van hergeboortes verbreek).
- ॐ Hindoeïsme is politeïsties, met gode soos Brahma, Vishnu en Shiva wat belangrike rolle speel.
- ॐ Heilige tekste soos die Vedas, Upanishads, Bhagavad Gita en Ramayana lei sy volgelinge.
- ॐ Anders as baie godsdienste, het Hindoeïsme geen enkele stigter nie en word gekenmerk deur buigsaamheid en diversiteit in praktyk en geloof.



Tradisionele Afrika-Godsdiens (TAG)

- 👤 Tradisionele Afrika-Godsdiens is die inheemse, geestelike praktyke van Afrika-gemeenskappe wat deur generasies oorgedra word.
- 👤 Hierdie godsdienste verskil baie van mekaar, maar het dikwels die ooreenkomste: Aanbidding van 'n hoër skepper, respek vir voorvaders en geloof in geeste wat aan die natuur gekoppel word.
- 👤 Sleutelemente van die godsdien is rituele, musiek, dans en gemeenskapseremonies.
- 👤 TAG beklemtoon 'n sterk band met die natuur, gemeenskap en die balans tussen alle lewende wesens.
- 👤 Dit fokus ook op holistiese genesing, wat fisiese, geestelike asook sosiale gesondheid aanspreek.



Judaïsme

- ☆ Judaïsme is 'n monoteïstiese godsdiens wat in een God glo en die leerstellings van die Torah volg.
- ☆ Die Torah sluit die eerste vyf boeke van die Hebreeuse Bybel (wat Christene die Ou Testament noem) in. Dit behels 'n stel wette, etiese gedrag en gebruike wat deur rituele en gebed beoefen word.
- ☆ Die Joodse identiteit kombineer godsdienstige en kulturele aspekte, met wortels in antieke Israel.
- ☆ Belangrike takke sluit in Ortodokse-, Konserwatiewe- en Hervormde Judaïsme. Elkeen het verskillende praktyke.
- ☆ Kernooruigings fokus op geregtigheid, gemeensaamheid en 'n verbond tussen God en die Joodse volk.



Bahá'í-geloof

- ✧ Die Bahá'í-geloof is 'n monoteïstiese godsdiens wat in die 19de eeu deur Bahá'u'lláh in Persië gestig is.
- ✧ Bahaïsme beklemtoon die geestelike eenheid van die mensdom as geheel.
- ✧ Bahá'ís glo dat God Hom deur goddelike boodskappers (onder andere Abraham, Moses, Boeddha, Jesus, Mohammed en Bahá'u'lláh) aan die mens openbaar het. Die veronderstelling is dat elkeen van hierdie boodskappers bygedra het tot spesifieke leerstellings, wat relevant was vir daardie spesifieke tydperk.
- ✧ Sentrale beginsels sluit die eenheid van die mensdom, die gelykheid van mans en vroue, die uitskakeling van vooroordeel en die harmonie tussen wetenskap en godsdiens in.
- ✧ Bahá'ís volg 'n kalender van 19 maande, elk met 19 dae, en neem deel aan die bou van gemeenskappe, diens en die bevordering van wêreldwye vrede en geregtigheid.



Boeddhisme

- 👤 Boeddhisme is 'n geestelike tradisie wat deur Siddhartha Gautama (die Boeddha) in antieke Indië gestig is.
- 👤 Dit leer Die Vier Edele Waarhede wat verduidelik dat die lewe 'n stryd is, maar dat die stryd oorkom kan word deur die heilige agtvoudige pad te volg.
- 👤 Belangrike idees sluit in: "Karma" (alles wat jy doen, kom weer terug na jou toe), wedergeboorte en "nirvana" ('n toestand van perfekte geluk en vrede).
- 👤 Boeddhisme bevorder 'n etiese lewe, meditasie en wysheid. Daardeur ontwikkel sy volgelinge deernis en begrip wat daarop gemik is om lyding te beëindig en geestelike vryheid te bereik.

